

## ADOLETVS, SIVE

αντιφάσεως, vniuersa nomēlatura quid aliud nobis declarare videtur, q̄ indubitata philosophi huius  
hanc fuisse sententiā, nomina scilicet rebus secundum naturā exigentia quām conuenientissime semper  
asscribi assignarique oportere? Hæc sunt, Alexander, quæ de nominum ratione tibi pro tempore  
angustia, & hac iejuna facultatis nostræ mediocritate, dicere in præsentia habui. Reliqua tu  
(quo es ingenio) iugi variaque antiquorum lectione perquires, & ab eruditis viris percontando post  
hac felicius excutere poteris. Nam mihi satis nunc superque fuit tua vt potui & debui morem gestere voluntati.

F I N I S.

## SADOLETVS, SIVE DE PRECIBVS.

LEONICVS BVRGARINO.

10



Erculeus Lapis, quem Magnetem vocant, Burgarine charissime, occulta quadam vi, & naturæ (vt aiunt) concordia, distans ad se trahere ferrum percipitur: ferri vero præsentiam & conspectum audaces ad se viros rapere Homerus est author. Votis porro & precationibus quibusdam elitos fuisse deos, & ad humanos accessisse conuentus credula existimauit antiquitas. Inde Louis cognomen Elicij apud Romanos, & Numæ regis cum Egeria nymp̄ha fabulosi celebrantur congressus. Nos autem, qui sanctioribus proculdubi o viuimus institutis, & ab antiquis per manus tradita patribus veræ religionis dogmata casto pioq̄ mentis obseruamus cultu, deum quidem ipsum, & præstantes supra hominem naturas loco moueri, & ad nos accedere, terrasq; & hominum genus peregrinantium modo inuisere, haud quaquam existimamus. Preces vero exaudire, & hominum supplicationibus & votis fletri, & cum mala multa ab eisdem ideo auertere, tum inuicem bona ijs largiter præstare, pro certo tenemus. Hinc sacerdotum apud nos diurnæ nocturnæq; diuinarum laudum decantationes, & quotidianæ in templeis precantium Christianorum frequentiæ. Hinc votorum etiam duris in rebus nuncupationes, & gratæ postmodum magnificæq; persolutiones processisse videntur: vt id sileatur, quod omnibus ferè horis tacitus sibi vnuſquisque aliquid peculiariter precatur & rogat. Quæ sanè vitæ institutio, & certa credulitas, cum vetustissima est, & ab initio omnium seculorum memorijs comprobata, tum hominum etiam generi perquam vtilissima esse censetur. Deos enim esse credi, & illos rerum curam gerere humanarum, maxime ex v̄su vitæ est. Quamobrem reges & principes, rerumque pub. rectores, & antiquis semper temporibus, & nostra etiam ætate, religioni quidem & facrorum ceremonijs deditos viros, vacationibus semper & immunitatibus sunt prosequuti, emolumētisq; etiam omnibus illos & vitæ commodis fouerunt & fouent. Impios vero, & religionis hostes, cōtrà, ceu hominū generi pestilentes & noxios, supplicijs & poenis & exilijs multauerunt, & nunc istuc ipsum etiam facere perseuerant. Et profecto ita se res habet. Qui enim deos aut nullos esse, aut humanas nō curare res credūt, & neq; votis illos, neq; precibus vllis moueri existimant, ij profecto nulla mentis ratione, sed infreni viuentes libidinis impetu, quod turpiter, siue auare, siue crudeliter appetunt, id pulso procul metu, dummodo latere se credant, omni prorsus studio totisq; viribus parare contendunt. Quod secus ijs accidere necesse est, quæ præsentes vbique, & omnia videntes & audientes deos, recto mentis iudicio existimant & credunt. Quo in numero, si quisquam alius, vir certe est philosophus, qui exactam naturæ cognitionem rectis virtutum moribus copulans, & excellentes solus ab omnib; sciugatas sensu contemplatur essentias, & illas pio (vt par est) mentis cultu veneratur & colit solus. Horum preces & vota propitius certe audit deus, cum ij maxime precando dum se corporibus auocant, & in mentis caput ascendere contendunt, perquam similes sane deo fiunt. Caeu enim putes Burgarine quorum cunque precantium à præstantibus naturis quascunq; exaudiri voces, qui aliud s̄pēnumero agētes, nō corde, sed labijs (vt aiunt) deum honorant. Cum enim multa rite precantes habere oporteat, tum solitariam maxime, & deo intentam mentis aciem habere debent, ab omni quidem alia re sciugatam prorsus & liberā: soli vero illi cui preces fundūt, affectam, & ceu nexus quodam indissolubili copulatam. Qua de re superioribus diebus cum apud Reuerendissimum præfulem Iacobum Sadoletum forte essem, ad quem s̄pēius (vt scis) salutandi gratia accedere soleo, illum audiui cum eleganter & copiose (vt semper solet) tum à consueta isthēc pertractandi ratione diuerse admodum verba facientem. Aderant autem mecum cum alijs pleriq; tum Hieronymus Magnanus Vestinus episcopus, vir & religione conspicuus, & literarum etiam studijs in primis clarus. Cum enim stati forte adessent dies quibus omnes ferè vrbis sacerdotes quotannis de more per compita & plateas celebri pompa frequentia pro frugib; precari solent, & illorum concinne precantium & canentium, in quo eramus cubiculo, clare exaudirentur voces, ad me conuersus Sadoletus, Audis ne, inquit, Leonice, cantantium choros, hymnosq; & preces veteri instituto pro frugib; deo fudentium, quali harmonie

20

30

40

50

gratia illi & quo leporis concentu omnium aures iucunde simul & efficaciter permulceant! Nescio  
 profecto quid alij, ego certe (vt vera fatear) ab huiusmodi re multum afficior, mouentq; me mirifice,  
 & nescio quo modo animum altius euocant meum. Tum ego, Nec mirum inquam Reuerendissime  
 Domine tali te affici modo, quando duo simul coniuncta sunt, quorum vel alterum recte se habētes  
 animos eximie valeat commouere. Vocis enim modulatio & amoena suauitas, vt verborum in præ-  
 sentia taceam vim, nedum homines, sed feras etiā ipsas proculdubio flectere & permulcere possunt:  
 vt non immerito (mehercule) Orpheum antiqui vates voce & fidibus canentem, cum ferarum genus  
 omne, tum inanimes etiam & surdas res demulxisse & post se traxisse memoriae prodiderint. Quæ  
 sanè res Platonis (vt arbitror) sententiæ, quā de animorum constitutione, diuine potius quam huma-  
 ne vir ille recte intelligentibus scriptam reliquit, mirifice suffragari videtur. Numeris enim & harmo-  
 nia humanus constans animus, numerosis nimirum vocum modulationibus excitari percipitur, &  
 loco stare nescit, cognitione (vt aiunt) & contagione quadam, quam græci sympathian, nostri con-  
 cordiam vocant, commotus & excitus: quæ ad inanimes usque res iugi etiam tenore delabitur. Si  
 quidem percipere licet distantis lyræ fides ad alterius sonum lyræ simili harmoniæ temperamento  
 contensæ, manifestissime motari & resilire. Sed quid ego isthæc inquam tibi in præsentia: an (quod  
 aiunt) sus Mineruam? Tum ille ad me hilari conuersus vultu, quid tu, inquit, Leonice, sus Mineruam?  
 aut cur tu te ipse adeo despicias? qui huiusce rei Academicorum decretis optime coniectans causam,  
 illam non minus dilucide quam breuiter nunc explicasti. Nisi forte recto nostrorum instituto te hu-  
 milem facis, vt merito postmodum ab alijs extollaris. Verum sint ista certe vt abs te dicta sunt: &  
 homines cum numerosæ (vt videtur) moueant voces, tum vel maxime preces & verba deducant &  
 frangant. Cur autem hæc (vt in confessis est) deum etiam ipsum tangant, & precantium votis excellē-  
 tes supra hominem exorentur naturæ, hoc abs te Leonice in præsentia audire percuperem. Quare age  
 & nunc aliquid de Academiæ penu reconditum deprome. Tum ego, Non ea inquam Reuerendissi-  
 me Domine vis nostra est: talesq; res & tā arduas ingenia pusilla nō sufferūt. Noli igitur mihi id one-  
 ris imponere, quod humeris impar est meis, & sub quo mihi turpiter cadendum esset. tibi haec deben-  
 tur certamina, tuiscq; rotis isthæc conterēda est meta. Et Magnanus, Miro, inquit, desiderio Reueren-  
 dissime D. & sedulo expectabam quidnam quæstioni propositæ responsurus esset Leonicus. Hac  
 enim de re ea quæ nostri ferè omnes dicunt authores, studiose perlegi omnia, & ad manum etiam ha-  
 bere me credo. Verum politiora quædam de precibus, & antiquorum lucubrations magis redolētia  
 de illo audire desiderabam. Noui enim illum cum multæ lectionis semper fuisse, tum Academicis  
 mirifice addictum decretis, quæ mihi sanè philosophorum natio vt alijs ferè in omnibus quæ ad phi-  
 losophiam spectant, cæteris haudquaquam postponenda videtur sectis, ita longe omnibus (meo qui-  
 dem iudicio) præponenda in ijs quæ de superioribus pertractant naturis, illarumq; cum vires, tum  
 beneficam ad omnia prouidentię & bonitatis ostendūt curam. Qui locus ad religionem proculdubio,  
 diuinumq; cultum totus pertinere videtur. Cæterum quoniam is suas tibi delegat partes, superioriq; (vt par est)  
 cum in cæteris omnibus, tum in ijs præcipue sponte cedit sua, bene certe mecum in præ-  
 sentia actum esse existimo, & non mediocre fecisse lucrum me reputo, quando te hodie de re  
 Academicorum more disertantem audire non dubito. Scio enim quod necq; meo hanc rem necq; Leo-  
 nici nostri studio inuidebis, & hodiernam disputandi operam nobis liberaliter præstabis. Tum ille  
 hilarè (vt solet) renidens, & tu, inquit, etiam Magnane cum Leonicō facis, mihiq; hoc oneris impone-  
 re cōtendis. Atqui disceptantiū ferè omniū, sed Academicorum præcipue, constans semper fuit insti-  
 tutum, vt qui proponebat aliquid, ille audiret: contrà autem de quo quipiam quærebatur, is sanè dis-  
 ceret. Quamobrem recto rationis ordine æquum profecto erat Leonicum dicere, me vero auscultare.  
 Verum quando ita vultis, & vestro à me iure hoc enixius contenditis, libens id vestra aggrediar cau-  
 sa: quod an ex animi nostri sententia explicare nunc possim, haudquaquam scio. Magnæ enim (vt no-  
 stis) & assidue cum publicæ tum priuatæ etiam occupationes, ijs præsertim temporibus me nimis  
 diu ab huiusmodi studijs auocarunt, sed si vires deficient, voluntas certe non deerit. Quare vobis in  
 præsentia geratur mos. Verum de precibus & votis verba facturos, Deum in primis precari æquum  
 esse censeo, qui mentis nostræ oculos splendore suæ claritatis illuminet, vt quæ placita illi grataque  
 sunt, & comprehendere valeat animus, & verbis postmodum luculenter possit exprimere. Hic cum  
 omnes assensi fuissimus, tacitiscq; etiam mentis precibus unusquiscq; id ipsum expetisset, paululum  
 moratus sic exorsus est ille. Vetus & constans est opinio, ab antiquis usque repetita temporibus, &  
 populorum etiam omnium gentiumque cōprobata consensu, diuinæ quasdam supra hominem esse  
 naturas, quæ inferiorum quidem omnium bonitate sua curam gerant, & illis cum bona largiter tri-  
 buant, tum mala & aduersa ab eisdem benigne & salutariter auertant & propellant. Hosq; propitios  
 vt sunt existimantes & vocantes deos, rite illos pieq; semper colere, & illis preces & vota assidue fun-  
 dere omnes ferè consueuerunt. Adeoq; hæc in hominum mentibus congenita censetur opinio, vt nul-  
 la gens neque tam humana reperiatur & docta, necq; tam immanis rufsum & barbara, quæ hac de re  
 ceu naturali quodam admonitu & instinctu excita, aliter loquatur & sentiat. Taceo hoc in loco pau-  
 cos quasdam apud veteres ab omni planè vita & hominum commercio explosos, Diagoras inquit,  
 Theodoros, Protagoras, & si qui alij prauo mentis errore nullos esse dixerunt deos. Epicurus quin-  
 etiam haudquaquam in præsentia prohibendus, qui verbo quidem tenus esse assertit deos, re autē ipsa

eos sanè de medio tollit, cum illis nullum omnino actionis opus, nullam rerum humanarum, neque etiam cælestium relinquat curam, sed monogamos quosdam (vt ait Cicero) & solitarios & perstabisles in intermundijs suis degere illos existimet. Alij autem omnes, cum ciuilibus negotijs dediti, & rerum publicarum gubernationibus emancipati, tum philosophi maxime qui res abditas & abstrusas solerti mentis indagine rimari sunt soliti, & deos esse constantissime crediderunt, & illos precibus & votis, ceu audientes & curantes omnia, propitios sibi & placabiles semper reddere contéderunt. Hinc apud Assyrios Chaldæi, apud Indorum populos Brachmanes, penes Gallos Druydae, apud Persas Magi, penes Aegyptios sacerdotum natio, assiduam religioni diuinoque cultui præstantes operam, ceremonijs & sacris, votorumq; insuper nuncupationibus, & assiduis precum obsequijs deos colebāt, venerabantur, adorabant. Qui certe mos volvētibus seculorum curriculis, ceu per naturæ manus traditus, & ad nos vsque perueniens, eo rectius nunc, & deo sanè gratius obseruari percipitur, quo intermerata veræ religionis mysteria, sacraque incorruptæ fidei dogmata, Dei optimi maximi ineffabili quadam bonitatis plenitudine solis tradita & reuelata sunt Christianis: vt hæc demum vera & solida dei religio & cultus videri, & rectissime existimari possit, cum primæ illæ religionis potius imagines & vmbrae quædam quām religiones merito appellari debuerint. Omnes igitur ferè (vt vnde digressi sumus reuertamur) & deos esse constanter affuerant, curamque illos rerum humanarum gerere crebunt, & votis precibusque insuper illis assidue supplicandum esse censem. Sed quoniam de precibus in præsentia me agere voluistis, & quoniam illæ modo Deum tangant & moueant, audire percupitis, idque ipsum vt ex Academicorum delararem institutis, nominatim etiam præscripsistis, consueta philosophantium, & eorum maxime quos sequimur, procedens via, ab illarum primo descriptione, & formæ explanatione initium capiam (rei enim de qua agitur ignorata natura, frustra profecto ad reliqua festinaret oratio) quo sanè factō, ad illa postmodum explicanda me conuertam, quæ huic conuenientia rei, & commoda esse videbuntur. Sunt autem preces, siue oratio & supplicatio (vt visitatiozib; apud vos vt ar vocabulis) vis quædam animis superne concessa, illos sursum rapiens, & ad deum ipsum constringens & vincens, secundaque omnia semper prioribus vniens & rite copulās. Cū enim omnia quæcumque sunt entia, ita a deo procedant & defluant, vt ab illo tamen nusquā dicantur abscedere, alioquin ruerent prossus, & in nihilum deuoluerentur, omnia profecto in deo esse, & in illo collocari necesse est, vt postmodum ceu intimo quodam orbis ambitu progredientia, ad deū ipsum rursus, à quo & in quo sunt, diuino & mirabili reuoluantur modo. Neque hoc magnis duntaxat & excellentibus contingere dicimus naturis, quæ alioquin ordine & dignatione propè ad deos accedere videntur, sed minimis quibusq; imò informi etiam surdæq; materiæ, quæ inter omnia ab excellentibus diuinisque remotissima esse censemur causis. Omnibus igitur æqualiter rebus diuina adest præsentia, cum in omnibus vbiique ipsum ex æquo reperiatur vnum. Neque hoc quispiam miretur in loco, aut potius veluti pugnās reijciat, quod diximus à deo labi & procedere omnia, & rursum progressa omnia in deo tamen esse & collocari. Nam progredientia verissime manent, & tanquam firmis innixa radicibus in deo stabiliuntur. Quo enim proredi possunt vbi non sit deus, cuius plena sunt omnia, & qui proculdubio & vbiique est, & omnia in se stabiliter continet entia? Miro igitur quodam rationis modo & progrediuntur omnia, & non progrediuntur à deo. nam progressa manent, neque separantur omnino, alioquin (quod retro diximus) dilaberentur in nihilum. Et vt ad summam breuiter iste concludatur locus, entia omnia sibi quidem ipsis proredi & procedere iure censemur, in deo autem firmiter illa manere summa est necessitas. Cæterum quoniam non solum à deo proredi entia, sed ad deum quoque recurrere & retro fleeti debent, vt in hoc etiam superiorum ordinum ad ipsum vnum imitentur regressum, aliam quandam à deo perfectionis capiunt notam, qua ad illius bonitatem retro fleeti nata, in ipso (vt diximus) radicitus nixa, in seipsis vero procedentia, rursum ad ipsum diuino quodam munere reflexa perueniant, & innitatur, admirabilem quendam (vt dictum est) efficiencia circuli ambitum, à deo incipientem, & desinentem in deum. Cum enim ab vnitate (vt dictum est) diuina omnia prodeant entia, secum profecto vnitatem sibi impressam afferunt & conseruant quan- dam, diuinæ illius vnitatis imaginem, qua postmodum & reuocantur ad illā, & reuocata diuino quodam perficiuntur modo, qui perfectoriū animos rapit entium ad preces & vota, quibus vno cum deo nobis (vt paulo post videbimus) manifestissime completur & perficitur. Et hoc certe est quod in suo de diuinis nominibus commentariolo ijs ipsis verbis theologus refert Dionysius. Votis & precibus ad diuinam bonitatem perueniendum est. Nam ipsa quidem adest omnibus: non autem illi adsunt omnia. vbi vero ipsam castissimis precibus, animoque inuocamus defecato & tranquillo, atq; ad diuini nam idoneo coniunctionem, tunc nos quoque illi adsumus. Neq; cuiquam profecto hoc quod diximus de entium regressu, incredibile videri debet, quādo is non in animorum solūmodo natura percipitur, sed in rebus etiam anima carentibus id ipsum animaduertere licet. ex etenim natura sui impressa huiusc rei gerentes vestigia, quo maxime possunt modo, ad supernas se conuertunt causas, & ad diuinos illos superiorum siue ordines, seu sortes appellare malumus, vnde procedunt & defluunt, & quibus firmis naturæ nexibus sunt copulata, ceu ad solem solaria (vt ita dicam) se conuertunt, & ad lunam lunaria, similiq; cætera modo duces quæq; suos naturaliter consequuntur. Et hæc profecto est concordia illa, ceu consensus siue naturæ contagio quam greci sympathian vocant, cum inanimis & surdæ res ad alias & ad alias superum potestates habiles aptæque reddantur, à quibus vestigia

etiam quædam naturaliter habent impressa, quæ à rerum peritis, cum vsu & experientia, tum illarū interdum admonitu, comprehendī & dignosci recte possunt, ex quibus naturalis (vt nonnulli aiunt) magicæ fluxerunt initia. Cum igitur omnia (vt vilum est) entia, duo hæc in sui gerant essentia, signa siue vestigia, seu proprietates (multa enim adducenda sunt nomina, vt naturales has rebus omnibus impressas notas rite explicare possumus) in deo scilicet manendi, & ad deum cum progressa fuerint recurrendi, tum dignius profecto & prius ipsos hæc in se gestare animos censendum est, quibus rerū opifex ille & æternus earum sator & parens diuina bonitatis largitate concessit, vt per vnum quod in ipsis est, in deo firmiter manerent, per mentem autem siue intellectum (vtroq; enim vis ea dicitur modo) à Deo progressi, felici quodam orbis gyro ad Deum rursus ipsum recurrerent. Ad quem profecto regressum maximam supplicationes vim habēt & preces, signis quibusdā intercedentibus quæ opifex ille Deus cunctis inseruit animis, quæ neque recte dici possunt, neque si possent, illa certe in vulgū proferre fas esset. Illis igitur superiorum sibi beneficentiam planè conciliat animus, quæ alioquin precantes etiam ipsos copulant & vniunt ad eas quas precantur naturas, diuinamque mentem precantium orationibus coniungunt, & admirabili quodam permiscēt modo. Et vt ad summam discatur, supremæ illius bonitatis mentem ad omnia largiter animis impertienda commoda huiusmodi mirifice mouent preces, diuinæ cuiusdam suadelæ (vt hoc loquamur modo) ad Deum vim magnam habentes, & vt se ineffabili bonitatis largitate benigniter participandum præbeat, sanè efficiētes. Ad nos igitur vota & preces non trahunt Deos, neque profecto inclamati illi, aut verbis allecti hominū inuisunt cœtus, vt credula licenter fabulata est antiquitas: sed nos potius ad illos ceu ad legitimos beneficosque parentes filij quodamtenus progressi, precibus medijs reuertimur, trahimur, rapimur, vt illis iugiter assistamus, copulemurque etiam, atque penitus vniamur. Qua de re quia illius mirifice naturam exprimunt, eiusdem Dionysij de eodem commentario verba subtexere non erit malum, quæ hoc se habent modo. Itaque nos ipsos ad celsiorem diuinorum clarissimorumque radiorum constitutum supplicationibus in primis præparamus, veluti lucidissima catena ex cælesti summittate suspenſa, & hucusque pertingente, si semper eam manibus alternis in anteriora porrectis capimus, trahere quidem ipsam videmur, rc autem vera non illam ipsi deducimus, quippe supra infraque præsentem, sed ipsi magis ad sublimiores illustrium radiorum fulgores promouemur. Aut certe quemadmodum nauim ingressi cum rudentem ex saxo quodam ad nos vsque porrectum tenemus, quippe cuius nitamur auxilio, non saxum ad nos, sed nos ipsos magis nauimque ad saxum promouemus. Sicuti cōtrā si quis maritimum saxum in naui stans propellat, nihil quidem stās & immobile saxum violabit, sed sese potius ab eo magis arcebit, quantoque in illud violentius impulerit, tanto ab eo procul repelletur. Non incommodo igitur (vt arbitror) neq; incōcinne in ijs quæ retro sunt enumerata, verarum precum adducta est descriptio, quas dixeramus vim esse quandam superne animis concessam, illos ad Deum rapientem, & eosdem cum illo videntem, secundaque omnia prioribus semper vniē tem. id enim ipsum ineffabili quodam modo mirabiliter efficere preces pro rei natura clare fatis (vt arbitror) est ostensum. Quamobrem vniuersus ferè in illis veræ religionis non ab re versari cultus prohibetur. Siquidem vt à Platone mutuatus refert Cicero, is Deorum cultus est optimus, idemque castissimus atque sanctissimus, plenissimusque pietatis, vt eos semper pure integra incorruptaq; mente & voce veneremur. Quo in loco (quoniā religionis facta est mentio) obiter leuioris ingenij nonnullos commonefaciendo esse censeo, ne huiusmodi in re ab incorrupta religionis semita sensim & inculta ad superstitionem dilabantur & ruant. Nam lubricus sanè locus est, & vigili cautionis indigēs cura. Non enim anilibus precum deliramentis totos dies blaterandum est, neq; assiduis votorum inceptijs Deus (vt aiunt) defatigandus & obtundendus, sed matutinis duntaxat vespertinisq; adoracionibus, non labijs, sed puro synceroque cordis affectu rite precandum est. Hoc enim modo preces & legitimum vtiq; habebunt pondus, neque (quod aiunt) à ventis ferentur irritæ, & opus certe suum efficiaciter perficere, & plene completere poterunt. Verum quoniam de precum siue adorationis natura & essentia, qui locus inter philosophos Academicorum est maxime proprius, pro mediocritate nostra & tempore satis (vt arbitror) est pertractatum, quando nostra in cursu versatur oratio, & adhuc pran-dij non adest tempus, nisi forte me auscultando iam defessi estis, pauca quædam volentibus vobis ijs addere decreui, quæ ijsdem de fontibus hausta, ad exactissimam precum notionem eximie facere videntur. Hic cum omnes id percupere uno ore dixissemus, rogassemusque insuper vt si commodo suo fieri posset, nos Academicos illo prandio saturos dimitteret, sic prosecutus est ille. Nequeo satis admis-trari Magnane & Leonice, quātam ijs quos sequimur viri & quām exactam cum alijs in omnibus, tum in ijs maxime quæ ad veram pertinent religionem, iugis industriae curam semper adhibuerint, quantaque fuerint diligētæ. Nam vt alia omittam multa & multiuga, & in re proposita maneam, non nulla etiam illi quæ ad veras & efficaces requirantur preces, & illas præcurrere debeant, miro quo, dam distinctionis ordine, & inuenierunt soli, quod sciām (de antiquis loquor philosophantibus, semperque nostros excipio, qui omnia melius) & soli posteriorum memoriae scriptis suis reliquerunt. Sunt autem huiusmodi. Præcurrere inquiunt veras exactasque preces debere, naturæ primum illius quam quisque precatur, & cui vouchet, certam cognitionem. Non enim apte is accedere cuiquam videtur qui illius naturam & proprietates non nouit. Quamobrem ignitam mentis notionem, primum in diuino cultu habere ordinem, sacrum apud illos censebat elogium, ignis (vt arbitror) calore & motu iugem

DD.j.

vegetamq; designans cognitionem. Hanc secundo sequi loco appropriationem volūt . Aequo feratis animo precor istam verborum nouitatem & insolentiam. inuitatis enim rebus & nouis noua sunt cō formanda vocabula,& ad verbum vt conceditur de græco exprimenda. Isthaec autem appropriatio iuxta illorum decreta conueniens quædam vitæ nostræ ad Deum est assimilatio in omnimodæ synceritatis affectu, castitate scilicet, & puritate, & scientia, & ordine proueniens, qua nostros animos proxime ad Deum accedentes humili & subiecta mentis affectione, cuncta ab illo adipisci bona autus mant. Tertium veras præcedere preces debere affirmant contactum, quo Dei ipsius essentiam homines supremo animorum vertice ad illam quasi vergentes & proni contingere censemuntur. Quarto connumerant loco vicinitatē, siue propinquitatē quādam, quæ ipso exactior videtur esse contactu, animosq; collustrat, & deo propiores facit. De qua sacrū apud illos verba faciens elogii, Mortales inquit igni appropinquantes, à Deo diuinam habebunt claritatem. Quem ego ignē( si conjecturæ quis) quam in ijs est locus )charitatis apud nostros diuinū signare incendiū , haudquaquam dubitauerim. Quintam & vltimam post quatuor illa recensent vnionem, quæ animorum vnitatem in suprema Dei collocat & inserit vnitate, vnamque quodāmodo in vtrisq; operationū efficit actionē , per quam non suimet amplius, sed dei est animus diuino persistans in lumine, à quo clarissime collustratur & circūfuditur. Et hanc verissimē exactissimæq; adorationis extremū & optimū esse asseuerat finē, quando illa scilicet sequestre & media procedentiū animorū reflexio siue regressus statui copulatur & mansioni, & omne id quod ab uno processit, rursum in ipso uno stabiliter fuerit collocatū, animorūq; lumē à diuino vndiq; lumine fuerit circūfusum. Quamobrē non paruā iure inquiunt totius religionis portionē esse preces, cū eae si recte( vt visum est )siant, hominū animos sursum rapere, & omnia quæ dicta sunt certissime efficere possint. Non ab re igitur( vt arbitror )apud Platonē Atheniensis hospes solis philosophatibus & probis viris rectas cōuenire contendit preces. his enim expeditissima ad felicitatē sanē est via, cum proxime ad deos accedere, & a generatione terrenisq; se auocare rebus ij vel soli, vel maxime possint viri: prauis autem hominibus, & aliqua cōtaminatis labe istuc haudquaquam conceditur. Impuro enim( vt idem refert Plato )purum contingere nefas est. Accedat igitur is qui recte & efficaciter precari vult, puro sinceroq; cordis affectu deum ipsum, excellentesque supra hominem pie veneratus naturas, optima ab initio institutus religionis norma, assidueque diuinis vacans rebus, incessanter santi etiam vtatur adorationis obsequio. celebre enim apud illos elogium , Perseuerantibus, inquit, viris crebro assistunt dij . Quod nobis ipsa etiam præscripsit veritas, Petite inquiens, & accipietis: pulsate, & aperietur vobis. Domogq; insuper ternarium hunc secum afferat numerum, fidem scilicet, veritatē , & amorem, optimamq; præterea bonorū omnium spem, & inuariabile diuini susceptaculū luminis. Nam quod à cæteris seiugari oporteat rebus is qui solitarie soli conuersari vult deo, vel hinc patere potest, quia multitudo ab uno exiens, eo magis ab illo discedere percipitur, quo plus in numerum tendit. Quemadmodum enim haudquaquam commode intermedio non ente ad ipsum acceditur ens, sic inepte & perperā( mehercule ) id facere videtur, qui cum multitudine vnitati coniungi & copulari contendit. Non immerito igitur diuinus, & mihi sapientis hoc in re perhibendus Dionysius isthaec ad verbum scribit. Et ideo maiores nostri orationem hominis, ad deum vnionem quandam esse dixerunt: necnon angelorum opus illam vocauerunt, & veluti procēmum quoddam felicitatis & futuri gaudij, & imaginis æternæ beatitudinis appellauerunt. Non esse autem illotis ( vt aiunt ) manus ad illam accedendum, verum animo expurgato cum ab omni cogitatione prauit, tum à reliquis etiam affectionibus, quæ illum circa materiam & terrena addictum retinent, ita vt veluti tersum & vndiq; nitidum speculum diuinis rite imagines accipere, & illas clarissime reddere valeat. His etiam addi volunt erga pauperes misericordiam & eleemosynas, & ardantium lachrymarum copiosos imberes. Hęc ille. ex quibus vt( arbitror )clarissime etiam apparere potest id quod à principio dixeramus dum adorationis definitionē adduximus, illam scilicet nō solū animos ad deum rapere & deuincire, verum etiam secunda quæq; ad priora copulare & cōiungere. Omnia enim ( vt magnus inquit Theodorus )precātur & supplicant, præter ipsum primum, quem omnis inferior natura incessabilibus praescando veneratur obsequijs. Ceterum quia nihil sine causa aut fieri, aut esse posse , vniuersæ philosophorum contendunt scholæ, sex vero causarum genera ij quos in præsentia sequimur, viri esse voluerunt, efficientium scilicet, finalium, exemplarium, formalium, instrumentalium, & materialium, ipsius certe adorationis has omnes causas, præter instrumentalē, quam illius natura non recipit , nō minus scite q; breuiter & dilucide cōmemorant. Et efficientes quidē illius dicunt esse causas, efficaces quasdā diuinarum mentiū potestates, quæ animos hortantur & reuocant conuertuntq; ad deum: finales vero recensent incōtaminata sempiternaq; animorū bona, quibus deo cōiunctos perpetuò frui necesse est. Exemplares autē causas autumant, entiū priores quasdam causas ab ipso primitus bono procedētes, illiq; secundū ineffabilem quandā vnionis copulam cōnexas. Formales vero dicūt esse causas, naturas quasdā quæ animos tum similes deo efficiūt, tum vniuersam illorum vitā perficiunt & cōplent. Materialies autē illius esse causas volunt, signa illa seu imagines & vestigia( vt retro diximus )quæ ab animorū opifice deo illis impressa, ad parentis reminiscētiā excitant, & illos interna quadā vi ad reges sum vegetos reddunt. Verum quoniam tum pro salutari animorum ope deum precantur homines, tum pro incolumente salubritateque corporum, nonnunquam vero pro ijs quæ sunt extrinsecus siue aduersis depellendis, seu bonis adipiscendis : precum quedam & votorum genera & nomina

etiam illis accommodata rebus & nouerunt Academicici, & memoriae mandauerunt. Perfectius namque illas appellauere, quæ pro animorum salute fundebantur preces, quoniam id haberent muneris, huiusmodiq; naturas tangerent, quæ id efficaciter adimplere & perficere poterant. Opifices autem illas denominarunt preces, quas pro imbris fundebant & ventis, tum tempestiuos & salutares sibi precantes, tum pestilentes & noxios deprecantes. Opifices enim quasdam medias naturas, illorum esse causas volebant. Quamobrem Athenis quandā statē quotannis pro salutaribus ventis ad Deum fundebantur preces, & apud Romanos fulgurum & tempestatum solennes quædam erant deprecatio[n]es. Nonnullæ etiam ab illis expurgatoriæ vocitatiæ sunt preces, quibus tum morborum genera omnia, tum siccitates, terræmotus, labes, cæteraq; huiusmodi deprecabantur mala. Quasdam etiam illi vitales siue animales appellauere preces, quibus superioribus quibusdam rite supplicabant natu[r]is: quibus id muneris esse credebant, vt omnimodam fructuum animaliumq; genitaram & incolumentem augerent & custodirent. Vnde apud Romanos etiam cum alias pleraq; sacerdotum ceremonias, tum vitula factitari pro frugibus solitum fuisse legimus. quod etiam nostri sanctioribus cemoniarum institutis, & celebri pomparum discursu precibusve quotannis ijs semper diebus re[ligio]ni profecto & Deo gratius facere solent. In ijs autem precum generibus ( vt ab illis etiam memoria traditum est ) conueniens sanè is erat modus & ordo, vt eæ scilicet quæ ad ipsos pertinere dicebantur animos, & priores certe, & omnium excellentiores non immerito existimarentur. Quæ vero ad corporum naturā incolumentemq; spectabant, secundo connumerabant loco. Ultimæ omnium erant illæ quæ pro ijs quæ extra sunt rebus fieri fundiq; solebant. Nec me præterit hoc in loco nonnullos etiam superuacuo quodam diligentia(ne curiositatis dicam) studio, adorandi tempora quædam & modos distinxisse, & quæ quibusnam anni tempestatibus, quo[rum] corporis cultu & habitu fieri maxime conuenirent preces recensuisse. Horarum quinetiam momenta, & locorum situs quosdam, syderumq; insuper inter se conspectus, congressusq; certos addidisse: quæ tamen omnia cōsultò nunc præterire decreui, quia vanâ mihi potius superstitionis cuiusdam insaniam & temeritatē quâm vñlum veræ religionis cultū merito sapere videntur. illud potius addam, quod in legib[us] suis diuinus refert Plato, anceps periculosemq; esse, precibus vti vllis eum qui prudentiæ mentisque sit expers, quinimmo cum illo multo certe melius agi, si secus ac velit illi euenire contingat. Quamobrem in Alcibiade publicas priuatasque apud Lacedæmonios solitas fieri preces mirifice laudat, quibus probis viris commoda prosperaq; præstari à dijs immortalibus exposcut. Sed iam prandij adest tempus, in quo mecum hodie eritis omnes, vt spirituali cibo iam depastis animis, corpora etiam apud nos suis curentur alimentis. Et ad me conuersus, qui iam surrexeram, & discedere parabam, Mane, inquit, Leonice: neque hinc abscedas. nam tecum mihi quædam sunt conferenda. Tum ego, Ita faciam inquam, quando sic iubes Reuerendissime. D. hac tamen conditione, vt quæ de adorandi modo tibi dicenda restabant, quæ tu siue temporis angustia, seu illa potius quæ abs te adducta est causa, missa fecisti, ea pro bellarijs nobis in secunda apponas mensa. Tum ille hilarè renidens, Talis profecto es, inquit, Leonice, qui omnia( vt aiunt) vasaria semper excutere cupias. Cæterum vt voles. & cum dicto consurgens, è cubiculo in proximum conlaue, ubi paratae erant mensæ, ire perrexit, nosq; ponè illum sumus sequuti.

DD.ij.